



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք. Երևան, Շոպրոնի 77 հեռ. 010 51-29-53 էլ. hsaugti patrol-service@police.am

N 91/1867

< 03.01 > 2022թ.

Ժորա Մխիթարյանին


Հասցե՝ ք. Երևան, Բաշինջաղյան 6 շ. 41 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական քննության և վարչական պարզումների արդյունքում թիվ 8180073076 վարչական ակտի անվավերացումը և վարչական քննության արդյունքում թիվ 8180073076 վարչական ակտի անվավերացումը:

Առիթը՝ 3 բնթ:

Պետ,

ոստիկանության գնդապետ՝

 Ա. Ումրշատյան

կատարող՝ Հ. Հարությունյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 17.12.2021թ-ին կայացված թիվ 8180073076 որոշումն անփոփոխ, իսկ վարչական բողոքն առանց բավարարման թողնելու մասին

<< 08 >> 02 2022թ.

ք.Երևան

ՀՀ Ոստիկանության պարեկային ծառայության պետ, ոստիկանության գնդապետ Ա. Ռիմրշատյանս, վերանայելով Ժորա Մխիթարյանի (Ծանուցման հասցե՝ ք. Երևան, Բաշինջաղյան 6 շ. 41 բն.) (Այսուհետ՝ դիմող) 30.12.2021թ. դիմումի հիման վրա հարուցված վարչական բողոքարկման վարույթի նյութերը,

ՊԱՐԶԵՑԻ

17.12.2021թ.-ին ժողովով Ծառայության պետի ղեկավարությամբ քննարկվել է Ծառայության պարեկային ծառայության Ժորա Մխիթարյանի վարած «ԲՄԿ» մակնիշի 15 ԲՈ ՈՏ հաշվառման համարանիշի տրանսպորտային միջոցի վերաբերյալ գործող ԱԳՊԱ պայմանագիր չունենալու փաստը արտացոլվել է ՃՈ էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 2-րդ վաշտի պարեկ Սամվել Հերոսի Սողոմոնյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն կայացվել է թիվ 8180073076 որոշումը՝ Ժ. Մխիթարյանին 100.000 ՀՀ դրամի չափով տուգանելու մասին:

11.01.2022թ.-ին պարեկային ծառայություն է ստացվել Ժ. Մխիթարյանի դիմումը, որով խնդրել է բեկանել պարեկային ծառայության վարչական իրավախախտման վերաբերյալ գործով 17.12.2021թ. կայացված թիվ 8180073076 որոշումը՝ նշելով, որ որոշման մեջ բացակայում է հաստատված հանգամանքների շարադրանքը և որպես խախտված իրավանորմ է նշվել «ՀՀ ԱԳՊԱ օրենքի 5-րդ հոդված, 4-րդ մաս»:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային

ծառայության իրավաբանական բաժանմունքում հարուցվել է վարչական բողոքարկման վարույթ:

Դիմումի քննարկման արդյունքում ձեռք բերված ապացույցների և փաստական տվյալների համադրմամբ պարզվել է, որ վարչական իրավախախտման գործով 17.12.2021թ. կայացված թիվ 8180073076 որոշումը ենթակա է կատարման հետևյալ պատճառաբանությամբ և հիմնավորմամբ.

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողը հրավիրվել է պարեկային ծառայության իրավաբանական բաժանմունք, սակայն, լինելով ծանուցված, չի ներկայացել:

Ըստ ՀՀ կառավարության 1251 որոշմամբ հաստատված ՃՈ էլեկտրոնային ռեգիստրի և Հայաստանի ապահովագրական ընկերությունների ավտոապահովագրական «ASWA» էլեկտրոնային կայքէջի տվյալների՝ «ԲՄՎ» մականիշի 15 FM 015 հաշվառման համարանիշի տրանսպորտային միջոցը 17.12.2021թ.-ին՝ վարչական իրավախախտման վերաբերյալ արձանագրություն կազմելու պահին, ԱՊՊԱ պայմանագիր չի ունեցել:

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ արձանագրվում է ընդհանուր օգտագործման ավտոմեքենային համապատասխան ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմեքենային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Այսինքն՝ օրենսդիրը իմպերատիվ կերպով արգելել է ՀՀ ընդհանուր օգտագործման ավտոմեքենային ճանապարհներով տրանսպորտային միջոց վարելը՝ առանց գործող ԱՊՊԱ պայմանագիր:


«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի 1-ին մասի «ա» կետի համաձայն՝ ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:

Ինչ վերաբերում է դիմումատուի դիմումում նշած այն պնդմանը, որ որոշման մեջ բացակայում է հաստատված հանգամանքների շարադրանքը և որպես խախտված իրավանորմ է նշվել «ՀՀ ԱՊՊԱ օրենքի 5-րդ հոդված, 4-րդ մաս», ապա նշեմ, որ «Վարչական իրավախախտումների վերաբերյալ» ՀՀ օրենսգրքի 281-րդ հոդվածի պահանջներին համապատասխան, որոշման մեջ կատարվել է նշում՝ «Տ/մ-ն վարել է առանց գործող ԱՊՊԱ պայմանագիր», իսկ որպես խախտված իրավանորմ է նշվել «ՀՀ ԱՊՊԱ օրենքի 5-րդ հոդված, 4-րդ մաս», քանի որ, ըստ «Նորմատիվ իրավական ակտերի» մասին ՀՀ օրենքի 18-րդ հոդվածի 3-րդ մասի՝ օրենքի կրճատ անվանումը հիշատակելիս դրանում նշվում է օրենքի վերնագիրը, որը ըստ «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության» մասին ՀՀ օրենքի 3-րդ հոդվածի 1-ին մասի 1-ին կետի համաձայն ԱՊՊԱ՝ ավտոտրանսպորտային միջոցների օգտագործումից բխող պատասխանատվության պարտադիր ապահովագրություն:

Այսպիսով, դիմումատուի արարքում առկա են «Վարչական իրավախախտումների վերաբերյալ» 129.2-րդ հոդվածի 2-րդ մասով նախատեսված իրավախախտման հատկանիշներ, ուստի ելնելով վերոգրյալից և ղեկավարվելով «Վարչական իրավախախտումների վերաբերյալ» 293-րդ հոդվածի 1-ին մասի 1-ին կետով՝

1. Պարեկային ծառայության վարչական իրավախախտման վերաբերյալ գործով 17.12.2021թ. կայացված 8180073076 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետ,
ոստիկանության գնդապետ՝



Ա. ՈՍԻՐՇԱՏՅԱՆ